

Malittarisassat 2014 - 2016

§ 1.....	2
Siunnersuisoqatigiiffiup aqqa	2
§ 2.....	2
Siunertaq	2
§ 3.....	3 - 4
Ilaasortaaneq ilaasortaajunnaarnerlu	3 - 4
§ 4.....	4 - 5
Ataatsimeersuarneq	4 - 6
§ 5.....	6
Immikkut ittumik ataatsimeersuarneq.....	6
§ 6.....	6 - 7
Taasinerit qinersinerillu	6 - 7
§ 7.....	7
Malittarisassat allangortinnerat	7
§ 8.....	7 - 8
Siulersuisut ulluinnarnilu aqutsisut	7 - 8
§ 9.....	8 - 9
Ataatsimiititaliat.....	8 - 9
§ 10.....	9
Tipsernermi Lotto-milu aningaasanik agguuassisarnermi ataatsimiititaliaq.....	9
§ 11.....	9 - 10
Pikkorissartitsinermi ataatsimiititaliaq.....	10
§ 12.....	10
Nunani Avannarlerni Inuusuttut pillugit ataatsimiititaliaq	10
§ 13.....	11
Nunani Issittuni inuusuttut pillugit ataatsimiititaliaq.....	11
§ 14.....	11-12
Malittarisassanut ataatsimiititaliaq.....	12
§ 15.....	12
Allaffeqarneq - Sulisoqarnerlu.....	12
§ 16.....	12
Aningaasaqarneq.....	12 - 13
§ 17.....	13
Siunnersoqatigiiffiup atorunnaarsinneqarnera.....	13

§ 1

Siunnersuisoqatigiiffiup aqqa

Meeqqat Inuusuttullu Siunnersuisoqatigiiffiat, **SORLAK**.

Imm. 2.

Siunnersuisoqatigiiffiup angerlarsimaffia: Nuukullak 4A, st., Postbox 505, 3900 Nuuk

§ 2

Siunertaq

Kalaallit Nunaanni meeqqat inuusuttullu suliniagaqatigiiffiitut siunnersuisoqatigiiffiussalluni.

Imm. 2.

Kalaallit Nunaanni meeqqat inuusuttullu pillugit apeqqutini oqalliseqataassalluni ajornartorsiutinilu iluarsiiinaqataassalluni.

Imm. 3.

Pisortat tungaanniit inuiaqatigiinniillumi tamanit meeqqat inuusuttullu ajornartorsiutaat eqqumaffigitinniassallugit kiisalu meeqqat inuusuttullu namminneq suliniaqatigiiffiini oqallitsiniaassalluni.

Imm. 4.

Meeqqat inuusuttullu inuiaqatigiit akornanni aaqqissuussaasumik peqataanerulernissaat sulissutigis-sallugu.

Imm. 5.

Meeqqat inuusuttullu suliniaqatigiiffiisa assigiinngitsut akornanni ataqatigiissitsiniassalluni paaseqatigiissitsiniassallunilu. Taakkulu akornanni suliniuteqartarnerit assigiinngitsut paasissutis-siisarnerillu suleriaatsinut assigiinngitsunut tunngassuteqartut ingerlatissallugit.

Imm. 6.

Kalaallit Nunaanni nunanilu allanit suliassat saqqummersut tigussallugit, suliniaqatigiiffinnullu ilaasortaasunut iluaqutissiisinnaasunik suliniuteqassalluni.

Imm. 7.

Sorlak-miit angalasoqarsimatillugu ilaasortat (peqatigiiffiit kattuffiillu) nalunaarusia-mik nassiuussuiffigisassapput ilasortanullu iluaqutissartai qaamarsaassutigineqar-tassapput.

§ 3

Ilaasortaaneq ilaasortaajunnaarnerlu

Siunnersuisoqatigiiffimmut ilaasortanngorsinnaapput Kalaallit Nunaanni meeqqat inuusuttullu najugaqarfikkaartumik peqatigiiffii imaluunniit nuna tamakkerlugu kattuffii.

Meeqqat inuusuttullu peqatigiiffii nuna tamakkerlugu kattuffeqartut kattuffitsik avaqqullugu ilaasortanngorsinnaangillat.

Imm. 2.

Nunaqarfinni illoqarfinnilu pissutsit immikkut ittut tunngavigalugit ukiunik killiliisimaneq siulersuisunit immikkut akuersissutigineqarsinnaavoq.

Imm. 3.

Peqatigiiffiit Kattuffiilluunniit Siunnersuisoqatigiiffimmut ilaasortanngorniuteqarsimasut ilaasortanngorsinnaanerat ataatsimeersuarnermi taasissutigineqartillugit pineqartut taaseqataasinnaangillat.

Imm. 4.

Peqatigiiffik Kattuffiilluunniit Siunnersuisoqatigiiffimmut ilaasortaasoq nammineersinnaassuseqartuassaaq, Siunnersuisoqatigiiffimiillu akuleruffigineqarsinnaanani. Ilaasortaaneq kiffaanngisuseqarnermik annikillisaataassanngilaq.

Imm. 5.

Meeqqat inuusuttullu peqatigiiffii/kattuffii/suliniaqatigiiffii ikinnerpaamik tallimanik (5) ilaasortalit siunnersuisoqatigiiffimmut ilaasortanngorsinnaapput.

Imm. 6.

Meeqqat inuusuttullu peqatigiiffii nuna tamakkerlugu kattuffeqarsinnaasutut akuerineqarsinnaapput ikinnerpaamik peqatigiiffinik pingasunik (3) immikkoortortaqsimappata assigniissunillu anguniagaqarpata aammalu imm. 5-imi piumasaqaatit naammassineqarsimappata.

Imm. 7.

Nunani allani kalaallit meeqqanut inuusuttunullu suliniaqatigiiffii siunnersuisoqatigiiffimmut ilaasortanngorsinnaapput siunnersuisoqatigiiffiup malittarisassani piumasarineqartut tunngavigalugit. Nunani allani issittunilu, suliniaqatigiiffiit ilaasortanngorfigissagaanni siulersuisunit tamani innersuussinikkut akuerineqartassaaq.

Imm. 8.

Meeqqat inuusuttullu peqatigiiffii nuna tamakkerlugu kattuffeqartut kattuffitsik avaqqullugu ilaasortanngorsinnaangillat.

Imm. 9.

Peqatigiiffiup kattuffiilluunniit Siunnersuisoqatigiiffimmit ilaasortaanera ataatsimeersuaqataasut 2/3-iisa atorunnaarsissinnaavaat. Taamaaliortoqarsinnaavorli aatsaat peqatigiiffiit kattuffiilluunniit Siunnersuisoqatigiiffimmut ilaasortaasut ataatsimeersuartitaasa 3/4-iisa peqataaffigippassuk.

Imm. 10.

Ilaasortaanermut akiliut ataatsimeersuarnermi annertusilerneqartassaaq. Akiliut ukiumoortumik akilerneqartassaaq Januar-ip aallaqqaataanniit Marts-ip naanerani kingusinnerpaammik akilerneqartassalluni. Ilaasortaanermut akiliut akilerneqanngippat ilaasortaajunnaartitsisoqarsinnaavoq, ukiorlu akiliiffiunngitsoq ataatsimeersuortoqassappat ataatsimeersuarnermut ilaasoqarsinnaanngilaq. Peqatigiiffimmit ilaasortaanermut akiliut ukiumut 800,00 kr.-iuvoq. Suliniaqatigiiffimmut ilaasortaanermut akiliut ukiumut 2.500,00 kr.-iuvoq. Kattuffimmit ilaasortaanermut akiliut ukiumut 4.000,00 kr.-iuvoq.

Imm. 11.

Ataatsimeersuarneq sioqqullugu ilaasortaajunnaarnermik nalunaaruteqarsimasut siulersuisunit ataatsimeersuarnissap tungaanut akuerineqarallarsinnaaput.

Imm. 12.

Kattuffimmiit suliniaqatigiiffimmiik imaluunniit peqatigiiffillu Siunnersuisoqatigiiffimmut aallartitaq kinaluunniit Siunnersuisoqatigiiffimmut ajoqutaasumik iliuuseqartoq siulersuisunit pineqartoq qinnuigineqassaaq tunuarniuteqarnissaanik. Pineqartoq tunuarniuteqanngippat siulersuisut amerlanerussuteqartut pisinnaatitaapput tunuartitsisinnaallutik. Aangajaarniutinik atuisoqarsimatillugu ingerlaannartumik tunuarniuteqassaaq. Pinerluuteqannginnermut uppersaateqarnissaaq. Meeqqanut pinerluuteqarsimannginnermut uppersaateqarnissaaq tamakkiisumik qulakkeerneqarsimassaaq suliniaqatigiiffimmi siulersuisunut ilaasortaanermi.

Imm. 13.

Ataatsimeersuarneq sioqqullugu ilaasortanngorniarlutik nalunaaruteqarsimasut siulersuisunit ataatsimeersuarnissap tungaanut akuerineqarallarsinnaapput. Ilaasortaanerullu nuunneqarnera, peqatigiiffiugaanni suliniaqatigiiffittut nuunneq, taamatuttaaq suliniaqatigiiffiugaanni kattuffinngornissaaq.

Imm. 14.

Ilaasortaanermut ukiumoortumik akiliutip ataatsimeersuarnermi annertussusilerneqartussaallutik siunnersuutaasimasut akuerisaallutik aalajangiunneqarsimasut Meeqqanut Inuusuttunullu Siunnersuisoqatigiiffiup allaffeqarfianut piniarneqarsinnaapput.

§ 4**Ataatsimeersuarneq**

Ataatsimeersuarneq Siunnersuisoqatigiiffimmi oqartussaaffiit annersaraat. Ataatsimeersuarneq katitigaavoq peqatigiiffiit kattuffiillu ilaasortaasut ataatsimeersuartaannik.

Imm. 2.

Peqatigiiffik kattuffilluunniit ukiumut ilaasortaanerminut akiliuteqarsimasooq taamaallaat ataatsimeersuarnermi peqataatitaqarsinnaavoq. Ukiorlu akiliiffiunngitsoq ataatsimeersuortoqassappat ataatsimeersuarnermut ilaasoqarsinnaanngilaq.

Imm. 3.

Peqatigiiffiit inummik ataatsimik (1) ataatsimeersuarnermi aallartitaqarsinnaavoq.

Imm. 4.

Nuna tamakkerlugu kattuffik pingasunik (3) ataatsimeersuarnermi aallartitaqarsinnaavoq.

Imm. 5.

Nuna tamakkerlugu suliniaqatigiiffik marlunnik (2) ataatsimeersuarnermi aallartitaqarsinnaavoq

Imm. 6.

Peqatigiiffiit kattuffiillu ataatsimeersuarnermi alaatsinaattunik aallartitaqarsinnaapput aningaasartuutit nammineq akisussaaffigalugit.

Imm. 7.

Ataatsimeersuarneq ukioq allortarlugu pisassaaq. Tamannalu ingerlanneqartassaaq augustip naalernerani sapaatip akunnera kingulleq. Ataatsimeersuariaqqusineq ukiup affaanik sioqqutsisumik nalunaarutigineqartassaaq. Ukioq ataatsimeersuarfiunngitsoq isumasioqatigiiffiusassaaq.

Imm. 8.

Ataatsimeersuarnissamut oqaluuserisassatut siunnersuutigiumasat ataatsimeersuarnissaq qaammatinik marlunnik (2) sioqqullugu allaffimmut nassiunneqareersimassapput, oqaluuserisassallu ilaasortanut qaamammik sioqqutilluni ilaasortanut nassiunneqareersimassallutik.

Imm. 9.

Peqatigiiffiit kattuffiillu Siunnersuisoqatigiiffimmi ilaasortat akiliisimasut siulersuisussanut qinigassanngortissinnaapput.

Imm. 10.

Siunnersuisoqatigiiffiup siulersuisussaanut qinigassanngortittut kingusinnerpaamik ataatsimeersuarnermi qinersinissap ullaarnani nalunaarutigineqartassapput.

Imm. 11.

Ataatsimeersuarneq ima ingerlanneqartassaaq:

1. Ataatsimeersuarnerup ammarneqarnera. Erinarsoqatigiittoqassaaq
2. Aqutsisussamik toqqaaneq
3. Ataatsimeersuarnerup ingerlariaasissaata akuersissutigineqarnera
4. Ilaasortanngorniutit – tunuarniutillu
5. Siulersuisut nalunaarutaat
6. Naatsorsuutit kukkunersioriikkat saqqummiunneqarnerat
7. Siunnersuisoqatigiiffiup ilaasortaasa allaganngorlugit nalunaarutaasa saqqummiunneqarnerat
8. Siunnersuutit oqaluuserineqarnerat
9. Qinigaaffimmi tullermi suliniutissat/qinigaaffimmi tullermi aningaasartuutigiumaagassatut missingersuusianik saqqummiineq
10. Ilaasortaanermut akiliutip aalajangersarnera
11. Siulersuisussanik qinersineq
 - a) Siulittaasoq

- b) Siulittaasup tullia
 - c) Siulersuisunut ilaasortat tallimat (5)
12. Qinersinerit allat
 13. Kukkunersiuisussanik toqqaaneq
 14. Taasariaqartut allat
 15. Ataatsimeersuarnerup nalilerneqarnera
 16. Erinarsoqatigiinneq

Imm. 11.

Siulersuisut ilaasortallu ataatsimeersuaqataasut taasisinnaallutillu oqalussinnaatitaapput. Alaatsinaatsutut peqataasut oqaaseqarsinnaatitaapput taamaattorli taaseqataasinnaatitaanatik.

Imm.12

Sorlak naapeqatigiititsinerani 18-it inorlugit ukiullit imigassamik aalakoornartulimmik atuinnginnissaat piumasarineqarpoq.

§ 5

Immikkut ittumik ataatsimeersuarneq

Immikkut ittumik ataatsimeersuortoqarsinnaavoq siulersuisut pisariaqartippassuk imaluunniit peqatigiiffiit kattuffiilluunniit Siunnersuisoqatigiiffimmut ilaasortaasut ikinnerpaamik affaasa piumasaqarnerisigut.

Imm. 2.

Immikkut ittumik ataatsimeersuarnissap piumasarineqarneranit kingusinnerpaamik qaammatit marluk (2) qaangiunnerisigut ataatsimeersuaqartoqarsinnaavoq.

Imm. 3.

Immikkut ittumik ataatsimeersuortoqassatillugu oqaluserisassat Siunnersuisoqatigiiffimmiit qaammammik ataatsimik (1) sioqutsilluni nassiunneqareersimassapput.

Imm. 4.

Immikkut ittumik ataatsimeersuarnermi Siunnersuisoqatigiiffiup malittarisassai allangortinneqarsinnaanngillat.

§ 6

Taasinerit qinersinerillu

Ileqquusumik ataatsimeersuarnermi immikkullu ittumik ataatsimeersuarnermi aalajangigassat amerlanerussuteqarnikkut atortussanngortinneqassapput.

Imm. 2.

Siulersuisussanik qinersineq tamatigut allakkatigut ingerlanneqartassaaq.

Imm. 3.

Siulittaasumut siulittaasullu tullianut qinersinermi taasinerit 2/3-ii sinnerlugit atorsinnaappata amerlanernik taaneqartoq isertassaaq. Siulittaasumut siulittaasullu tullianut qinersinermi qinersilluni allaffissamut ataasiinnaq allanneqartassaaq.

Imm. 4.

Siulersuisunut qinersinermi taasinerit atortinneqartassapput aatsaat qinigassanngortissimasuni aqqit tallimat qinersinermi allaffissiani allanneqarsimappata.

Imm. 5.

Siullermik siulittaasumik qinersineqartassaaq. Tullissaanik siulittaasup tullianik. Taakkulu qinerneqareeraangata siulersuisunut ilaasortassanik tallimanik (5) qinersisoqartassaaq.

Imm. 6.

Siulittaasumut siulittaasullu tullianut qinersinermi ateq ataasiinnaq allaffissamut allanneqartassaaq.

Siulersuisunut ilaasortanut qinersinermi taasinerit atortussanngortinneqassapput qinigassanngortissimasuni aqqit tallimat (5) qinersinermi allaffissiani allanneqarsimappata.

Imm. 7.

Qinersinermi tunuliaqutaqarluni siulersuisunut arlaannut qinigaasimagaanni peqatigiiffik tunuliaqutaq unissimappat siulersuisuniit tunuartassaaq

§ 7**Malittarisassat allanngortinneqarnerat**

Siunnersuisoqatigiiffiup ilaasortaasa malittarisassanut allannguutissatut siunnersuutaat ileqquusumik ataatsimeersuarnermi oqaluuserisassanngortinneqassapput oqaluuserisassat allat assigalugit.

Imm. 2.

Siunnersuisoqatigiiffiup malittarisassanut allannguutissatut siunnersuutit malittarisassat malillugit ilaasortanut nassiuneqassapput.

Imm. 3.

Siunnersuisoqatigiiffiup malittarisassanik allannguisoqarsinnaavoq ileqquusumik ataatsimeersuarnermi ataatsimeersuaqataasut $\frac{3}{4}$ -iisa tamanna kissaatigippassuk.

§ 8**Siulersuisut ulluinnarnilu aqutsisut**

Siulersuisut imatut qinerneqartassapput:

- a) Siulittaasoq
- b) Siulittaasup tullia
- c) Siulersuisunut ilaasortat tallimat (5)

Imm. 2.

Siulersuisunut qinigassanngortittoqarsinnaavoq peqatigiiffinniit kattuffinniillu marlunnik sinniussaqaqareerlutik qinigassanngortittunik Kattuffiit amerlanerpaamik marlunnik (2) qinigassanngortitsisinnaapput, peqatigiiffinniit ataatsimik qinigassanngortittoqarsinnaavoq.

Imm. 3.

Siullermik siulittaasumik qinersineqartassaaq. Tullissaanik siulittaasup tullianik. Taakkulu qinerneqareeraangata siulersuisunut ilaasortassanik tallimanik (5) qinersisoqartassaaq.

Imm. 4.

Siulittaasumut siulittaasullu tullianut qinersinermi atortussanngortinneqassapput taasinerit atorsinnaasut 2/3-iinit amerlanerusunit taaneqarsimasut. Siulittaasumut siulittaasullu tullianut qinersinermi ateq ataasiinnaq allaffissamut allanneqartassaaq.

Imm. 5.

Siulersuisunut ilaasortanut qinersinermi taasinerit atortussanngortinneqassapput aatsaat qinigassanngortissimasuni aqqit tallimat (5) qinersinermi allaffissiani allanneqarsimappata.

Imm. 6.

Siulittaasup siulittaasullu tulliaata sinniisissaat taamaallaat siulersuisumut sinniisuussapput. Siulittaasup tunuarneratigut siulittaasup tullia siulittaasutut ivertinneqartassaaq.

Imm. 7.

Siulersuisut ulluinnarni aqutsisunik pilersitsissapput: Siulittaasoq, siulittaasup tullia siulersuisunullu ilaasortaq ataaseq (1).

Imm. 8.

Siulersuisunut qinigassanngortissinnaanngillat Siunnersuisoqatigiiffiup ilaasortaani kattuffinni allaffeqarfinni sulisut taamatullu sinniisussaa suliani taaneqartumi atorfeqassanngimmat.

Imm. 9.

Siulersuisuni sorlermiluunniit inissisimasoq qinigaaffiup ingerlanerani ilaasortaaffeerukkuni tunuliaqutaarukkuni siulersuisuniit tunuassaaq.

Imm. 10.

Siulersuisunut ilaasortaq Siunnersuisoqatigiiffimmut ajoqutaasumik iliuuseqartoq siulersuisut sinnerinit pineqartoq tunuartinneqarnissaanik qinnuigineqassaaq. Pineqartoq tunuarniuteqanngippat siulersuisut amerlanerussuteqartut pisinnaatitaapput tunuartsisinnaallutik.

Imm. 11.

Meeqqanut Inuusuttunullu Siunnersuisoqatigiiffiup siulittaasua Meeqqanut Inuusuttunullu Siunnersuisoqatigiiffimmi allaffimmi pisortaq peqatigalugu atsiugassatigut atsiogatigiittassapput.

Imm. 12.

Siulersuisut nutaat ivertinneqarneriniit ukiup affakkaartumik ataatsimeersuarnissap tungaanut siulersuisut ilaasortanut nalunaarusiortassapput, Sorlak ukiup affaata iluani qanoq ingerlasimaneranik imaqartumik.

§ 9

Ataatsimiisitaliat

Siulersuisut pisussaapput ataatsimiisitaliat ukua ingerlajuarnissaat isumagissallugu:
Tipsernermi lotto-milu aningaasanik agguaassisarnermi ataatsimiisitaliaq
Pikkorissarnermi ataatsimiisitaliaq
Nunani avannarlerni inuusuttut pillugit ataatsimiisitaliaq
Nunani issittuni inuusuttut pillugit ataatsimiisitaliaq
Malittarisassanut ataatsimiititaliaq

Imm. 2.

Siulersuisut ataatsimiisitalianik suleqatigiissitalianillu pilersitsisinnaallutillu atorunnaarsitsisinnaapput.

Imm. 3.

Ataatsimiisitaliani tamani, tipsernermi lotto-milu aningaasanik agguaassisarnermi ataatsimiisitaliaq kisiat pinnagu, ilaasortasut Siunnersuisoqatigiiffimmut ilaasortaatitaqartut inassuteqarnerisigut inuttalerneqartassapput.

Imm. 4.

Siulersuisut tamatigut ataatsimiisitalianut suleqatigiissitalianullu akisussaapput.

Imm. 5.

Ataatsimiisitaliani siulittaasuuffik ukiumi qinersivimmi kattuffiit peqatigiiffiillu Siunnersuisoqatigiiffimmi ilaasortasut tigummissassavaat.

Imm. 6.

Ataatsimiisitaliat pisariaqartitsinerat naapertorlugu *Siunnersuisoqatigiiffimmi siulersuisut* ataatsimiisitaliami ilaasortat amerlassusissaat aalajangertassavaat.

§ 10

Tipsernermi Lotto-milu aningaasanik agguaassisarnermi ataatsimiititaliaq

Tipsernermik Lotto-milu aningaasanik agguaassisarnermi ataatsimiititaliaq sisamanik ilaasortaqassaaq. Tipsernermi Lotto-milu aningaasanik agguaasarnermi ataatsimiititaliami siulittaasoq siulittaasullu tullia ataatsimeersuarnermi toqqarneqartassapput. Siulittaasup pisinnaanngiffiitigut imaluunniit tunuarneratigut tullia siulittaasuussaaq.

Imm. 2.

Tipsernermi Lotto-milu aningaasanik agguaassisarnermi ataatsimiititaliami siulittaasoq siulittaasullu tullia Peqatigiiffinnut, Kattuffinnut imaluunniit Suliniaqatigiiffinnut attuumassuteqassanngillat. Meeqqanut Inuusuttunullu Siunnersuisoqatigiiffiup siulittaasua Tipsernermi Lotto-milu aningaasanik agguaassisarnermi ataatsimiititaliami ilaasortatut inissisimassaaq, kiisalu inuk inuiaqatigiinni tatigisaalluni inissisimasooq Peqatigiiffinnut, Kattuffinnulluunniit, Suliniaqatigiiffinnulluunniit imaluunniit politikikkut attuumassuteqartumik

suliaqatussanngilaq. Meeqqanut Inuusuttunullu Siunnersuisoqatigiiffiup allaffimmi pisortaa allattaasassaaq.

Imm. 3.

Tipsernermi Lotto-milu aningaasanik agguaassisarnermi ataatsimiititaliami siulittaasoq, siulittaasup tullia aamma inuk inuiaqatigiinni tatigisaalluni inissisimasoq qinigaaffiup iluani tunuarpata Meeqqanut Inuusuttunullu Siunnersuisoqatigiiffiani siulersuisut pisussaapput allamik nutaamik toqqaassallutik.

Imm. 4.

Tipsernermi Lotto-milu aningaasanik agguaassisarnermi ataatsimiititaliap suleriaasissaa qanigaaffiup nutaap iluani ataatsimiinnermi siullermi Meeqqanut Inuusuttunullu Siunnersuisoqatigiiffimmut akuerisassanngorlugu siunnersuusiortassaaq.

§ 11

Pikkorissartitsinermi ataatsimiititaliaq

Meeqqanut Inuusuttunullu Siunnersuisoqatigiiffiup ataatsimeersuarnerani inuttalersuinnermi Peqatigiiffiit, Suliniaqatigiiffiit aammalu Kattuffiit pisussaapput Meeqqanut Inuusuttunullu Siunnersuisoqatigiiffimmi siulersuisut akornanni inissisimasoq siulittaasutut inissisimassammat.

Imm. 2.

Meeqqanut Inuusuttunullu Siunnersuisoqatigiiffiup ilaasortaasa ataatsimiititaliami ilaasortaatititik aqcutigalugu pisussaapput qaqugu pikkorissarnissanik pilersaaruteqarnerlutik nalunaarutigissallugu.

Imm. 3.

Ataatsimiititaliap Meeqqanut Inuusuttunullu Siunnersuisoqatigiiffimmi ilaasortat pikkorissartitsiniarnermi allanit peqataaffigineqarsinnaasut pisussaaffigaat allanut nalunaarutigissallugit aamma ataqatigiissassallugit.

Imm. 4.

Ataatsimiititaliap suleriaasissaa qinigaaffiup nutaap iluani ataatsimiinnermi siullermi Meeqqanut Inuusuttunullu Siunnersuisoqatigiiffimmut akuerisassanngorlugu siunnersuutigisassavaa.

Imm. 5.

Meeqqanut Inuusuttunullu Siunnersuisoqatigiiffiup suliniutinut allattaa allattaasassaaq.

§ 12

Nunani Avannarlerni Inuusuttut pillugit ataatsimiititaliaq

Meeqqanut Inuusuttunullu Siunnersuisoqatigiiffiup ataatsimeersuarnerani inuttalersuinnermi Peqatigiiffiit, Suliniaqatigiiffiit aammalu Kattuffiit pisussaapput Meeqqanut Inuusuttunullu Siunnersuisoqatigiiffimmi siulersuisut akornanni inissisimasoq siulittaasutut inissisimassammat.

Imm. 2.

Ataatsimiititaliap pisussaaffigaa Nunani Avannarlerni inuusuttut siunnersuisoqatigiiffinnut attaveqaataassaalluni, attaveqarfigisassallugit aamma suleqatigiiffigissallugit.

Imm. 3.

Ataatsimiititaliami aallartitaalluni angalasussap pisussaaffigaa angalareermermi ullut 6-it qaangiutsinnagit nalunaarusiussalluni, nalunaarusiarlu Meeqqanut Inuusuttunullu Siunnersuisoqatigiiffiup siulersuisuinut nalunaarutigalugu.

Imm. 4.

Meeqqanut Inuusuttunullu Siunnersuisoqatigiiffiup suliniutinut allattaa allattaasassaaq.

§ 13

Nunani Issittuni inuusuttut pillugit ataatsimiititaliaq

Meeqqanut Inuusuttunullu Siunnersuisoqatigiiffiup ataatsimeersuarnerani inuttalersuinermi Peqatigiiffiit, Suliniaqatigiiffiit aammalu Kattuffiit pisussaapput Meeqqanut Inuusuttunullu Siunnersuisoqatigiiffimmi siulersuisut akornanni inissisimasoq siulittaasutut inissisimassammat.

Imm. 2.

Ataatsimiititaliap siulittaasua pisussaavoq Meeqqanut Inuusuttunullu Siunnersuisoqatigiiffiup Inuit Issittormiut Siunnersuisoqatigiiffiat Inuit Circumpolar Council aallartitaa qanimut suleqatigissallugu

Imm. 3.

Ataatsimiititaliap pisussaaffigaa Nunani Issituni inuusuttut siunnersuisoqatigiiffiunut attaveqaataassalluni, attaveqarfigisassallugit suleqatigissallugillu.

Imm. 4.

Ataatsimiititaliap suleriaasissaa qinigaaffiup nutaap iluani ataatsimiinnermi siullermi Meeqqanut Inuusuttunullu Siunnersuisoqatigiiffimmut akuerisassanngorlugu siunnersuutigisassavaa.

Imm. 5.

Meeqqanut Inuusuttunullu Siunnersuisoqatigiiffiup suliniutinut allattaa allattaasassaaq.

§ 14

Malittarisassanut ataatsimiititaliaq

Meeqqanut Inuusuttunullu Siunnersuisoqatigiiffiup ataatsimeersuarnerani inuttalersuinermi Peqatigiiffiit, Suliniaqatigiiffiit aammalu Kattuffiit pisussaapput Meeqqanut Inuusuttunullu Siunnersuisoqatigiiffimmi siulersuisut akornanni inissisimasoq siulittaasutut inissisimassammat.

Imm. 2.

Malittarisassanut ataatsimiititaliaq suliasat tunngavigalugit ataatsimiittassaaq. Peqatigiiffiit, Suliniaqatigiiffiit aammalu Kattuffiit apequtaat assigiinngitsut suliarisassallugit.

Imm. 3.

Malittarisassanut ataatsimiititaliaq Meeqqanut Inuusuttunullu Siunnersuisoqatigiiffimmut malittarisassat pillugit siunnersortaasassaaq aamma siulersuisut malittarisassat malillugit sulinersut nalilersortassallugit.

Imm. 4.

Malittarisassanut ataatsimiititaliaq inunnik tallimanik ilaasortaqaassaaq. Piumasaqaatigineqarpoq malittarisassanut ataatsimiititaliaq inuiaqatigiit aqqissuussaananut aamma Peqatigiiffiit, Suliniaqatigiiffiit kiisalu Kattuffiit malittarisassaannik ilisimasaqartuussaasut.

Imm. 5.

Malittarisassanut ataatsimiititaliaq sukulluunniit atorunnaarsinneqarsinnaavoq siulersuisut amerlanerussuteqartut tamanna piumasarippassuk.

Imm. 6.

Ataatsimiititaliap suleriaasissaa qinigaaffiup nutaap iluani ataatsimiinnermi siullermi Meeqqanut Inuusuttunullu Siunnersuisoqatigiiffimmut akuerisassanngorlugu siunnersuutigisassavaa.

Imm. 7.

Meeqqanut Inuusuttunullu Siunnersuisoqatigiiffiup suliniutinut allattaa allattaasassaaq.

§ 15**Allaffeqarnek – Sulisoqarnerlu**

Allaffeqarfimmi sulisut siulersuisunit atorfinitsinneqarlutillu soraarsinneqarsinnaapput.

Imm. 2.

Atorfinittoqassatillugu suliasap suunerinik ersarissumik allaqqasoqassaaq, suut piumasaqaatigineqarnersut sunalu isumaqatigiissut atorniarneqarnersooq. Paasiniagassat tamarmik pissarsiarineqareerpata siulersuisunut akuerisassanngorlugu innersuussutigineqartassaaq.

Imm. 3.

Allaffimmi pisortaq imaluunniit suliniutinut allatsi ingerlaginnartumik soraarsinneqarsinnaapput siulittaasumit. Siulittaasoq siulersuisuniit pisinnaatinneqarnermik tunineqarsinnaavoq, soraarsitsineq inuttarsiuinermik aallaaveqassanngilaq. Soraarsitsineq makkuninnga tunngaveqarpat.

- a) Aningaasatigut atonerluisoqarsimatillugu
- b) Siulittaasoq siulersuisuisulluunniit suleqatigisinnaajunnaarpassuk.
- c) Arlaannilluunniit tunngaveqarpat.

Imm. 4.

Aasaanerani allaffeqarfik qaammammi ataatsimi matoqqasassaaq, taannalu juli qaammat pisassaaq.

Imm. 5.

Allaffimmi pisortaq Meeqqanut Inuusuttunullu Siunnersuisoqatigiiffimmi siulittaasoq peqatigalugu atsiorsinnaatitaavoq.

§ 16 Aningaasaqarneq

Siunnersuisoqatigiiffik ilaasortat akiliutaannik tapiisutinillu allanik aningaasaqartinneqassaaq, pisariqartitsinerli naapertorlugu allanut qinnuteqarsinnaatitaavoq.

Imm. 2.

Siunnersuisoqatigiiffimmi siulersuisut qinigaaffik tamaat aningaasaqarneq tamaat akisussaaffigaat.

Imm. 3.

Siulersuisut aningaasaqarneq pillugu qinigaaffimmi iluani akisussaaffik tigummissavaat.

Imm. 4.

Siunnersuisoqatigiiffik sinnerlugu siulittaasoq, siulittaasup tullia allaffiullu pisortaa aningaasanut tunngasunut atsiorsinnaatitaapput.

Imm. 5.

Siunnersuisoqatigiiffiup ukiumoortumik aningaasartuutai kukkunersiusunit naalagaaffimmit akuerineqarsimasunit kukkunersiorneqarsimasut, siulersuisut ataatsimeersuarnermi saqqummiuttassavaat.

Naatorsuutit ingerlanneqartassapput Namminersornerullutik Oqartussat ukiumi tulliuuttumi aningaasartuutissanik suliarinnittarneri malillugit.

§ 17 Siunnersuisoqatigiiffiup atorunnaarsinneqarnera

Siunnersuisoqatigiiffik atorunnaarsinneqarsinnaavoq ataatsimeersuarnermi ataatsimeersuaqataasut tamarmik kissaatigippassuk. Atorunnaarsitsineq atulissaaq ataatsimeersuarnermi tulleriinni marlunni kissaatigineqarpat. Siunnersuisoqatigiiffik atorunnaarsinneqarsinnaanngilaq peqatigiiffiit kattuffiilluunniit ilaasortaasut ikinnerpaamik 1/4-iisa piunasaqarnerisigut.

Imm. 2.

Siunnersuisoqatigiiffiup atorunnaarsinneqarnermini aningaasaatai allallu naliliutai § 2-mi siunertat naapertorlugit suliniutit tapersorsornartunut tunniunneqartussaapput ataatsimeersuaqataasut aalajangiinerisigut.

Malittarisassat allangortinneqarput 3. maj 2002, Kangerlussuaq

Malittarisassat allangortinneqarput novembarip 5-ani 2004 Nuuk.

Malittarisassat allangortinneqarput oktober-ip 6-ani 2006 Ilulissani.

Malittarisassat allangortinneqarput oktober-ip 26-ani 2008, Kangerlussuarmini.

Malittarisassat allangortinneqarput oktoberip 30-ani 2010, Sisimiuni

Malittarisassat allangortinneqarput Oktober-ip 26-ani 2012 Aasianni

Malittarisassat allangortinneqarput August-ip 14-ani 2014 Nuuk

Panínguaq Mathiassen Kruse
Sorlak-p siulittaasua

Stephen Heilmann
Ataatsimeersuarnermi aqutsisoq